

Hezkuntzak eskola konfinamenduen amaieraren berri eman die Nafarroako ikastetxeei

Gaurtik aurrera, martxoak 4 ostirala, ez da taldeen konfinamendu gehiagorik izango

Ostirala, 2022ko Martxoaren 4a

Hezkuntza Departamentuak zirkular bat bidali die gaur Nafarroako ikastetxeei, Lurraldearteko Osasun Kontseiluaren Osasun Publikoaren Batzordean hartutako erabakiaren berri emateko. Erabaki horren bidez, 2022ko martxoaren 4tik aurrera, ostirala, eskola-eremuko berrogeialdiak kenduko dira.

Ondorioz, Hezkuntzak jakinarazi du gaurtik aurrera eskola-taldeen konfinamendua adierazteari utziko zaiola, orain arte indarrean egon den eskola-eremuko kasu positiboak eta kontaktu estuak kudeatzeko prozeduran jasotzen zen bezala.

Nolanahi ere, Departamentuak Foru Komunitateko ikastetxeetako zuzendaritzei gogorarazi die transmisioa prebenitzeko neurriak funtsezkotzat jotzen direla eta, horregatik, azken azalpenaren ondorengo hamar egunetan, baieztatutako COVID-19 kasuen kontaktu estuek kontu handiz ibili behar dutela eta ahal den neurrian murriztu behar dituztela interakzio sozialak maskara etengabe erabiliz eta eskuen higiegi egokiari eutsiz. Bereziki saihestu behar da pertsona ahulekin kontaktua izatea. Hala adierazten dute Osasun Publikoaren Batzordeak 2022ko martxoaren 1ean hartutako erabakiek.

Ikastetxeetan jarduteko neurrien esparruan datozen egunetan egin daitezkeen aldaketak ahalik eta azkarren helaraziko zaizkie ikastetxeei.